

## Počeo treći internacionalni plivački miting „Mladi za mlade“

U Olimpijskom bazenu Otoka, danas je počeo treći po redu Internacionalni plivački miting „Mladi za mlade“ na kojem je učešće uzelo 370 takmičara iz 37 plivačkih klubova iz čak devet država. Na ovogodišnjem takmičenju koje je kvalifikaciono za svjetsko prvenstvo u Kataru 2014 učešće su uzeli plivački klubovi iz BiH, Hrvatske, Srbije, Slovenije, Crne Gore, Albanije, Bugarske, Mađarske i Velike Britanije.



### [GALERIJA](#)



Muška kategorija plivača danas se takmičila u disciplinama 1.500 metara slobodno i 400 metara mješovito, dok je ženska kategorija plivala disciplinu 800 metara slobodno i 400 metara mješovito.

U disciplini 1.500 m slobodno za mušku kategoriju medalje su odnijeli Olimp-Terme iz Hrvatske, Kaposvari iz Mađarska, Jadera iz Hrvatske, Orka iz Mostara, GKVS, Bosna i Sport time iz Sarajeva i Napredak iz Kruševca.

U disciplini 800 m slobodno za žensku kategoriju medalje su dodijeljene plivačkim klubovima:

Sport time, GKVS, Pingvinček, Olimp-Terme, Jug, Napredak.

U disciplini 400 m mješovito za mušku kategoriju medalje su odnijeli plivački klubovi Novi Grad, Jug, Bekescsabe, Sport time, Bosna, Jadera i Kaposvari.

Disciplina 400 m mješovito za žensku kategoriju sretna je bila plivačkim klubovima: Bekescsabe, Jug, Bosna, Sport time, Pingvinček, GKVS i Orka.

Internacionalni plivački miting ``Mladi za mlade`` održava se u organizaciji udruženja Mladi za mlade Sarajevo i PK Sporttime i suorganizaciji Olimpijskog bazena Sarajevo.

Sutra je svečano otvaranje mitinga u 16:30h, a počasni gost mitinga je olimpijac Zlatan Horo iz udruženja Oaza koji je osvojio srebrnu medalju u disciplini 50m prsno na Specijalnoj olimpijadi u Berlinu.

<http://www.ekskluziva.ba/Poceo-treci-internacionalni-plivacki-miting-Mladi-za-mlade-/60215.html>